

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**OPĆINSKO VIJEĆE**

Broj: 01/1-\_\_\_\_\_/18  
Kakanj, \_\_.\_\_.2018.godine

Općinsko vijeće na \_\_\_\_ sjednici održanoj dana \_\_.\_\_.2018. godine, u postupku potpune eksproprijacije u svrhu izgradnje glavnog vanjskog odlagališta „Ribnica“, na osnovu člana 13. stav (2) alineja 5) i člana 35. stav (3) Zakona o principima lokalne samouprave („Sl.novine Federacije BiH“, broj: 49/06 i 51/09), člana 7. stav (3) Zakona o stvarnim pravima („Sl.novine Federacije BiH“, broj: 66/13 i 100/13), člana 10. stav (3) Zakona o cestama Federacije BiH („Sl.novine Federacije BiH“, broj: 12/10 i 16/10) i člana 24. stav (1) tačka 7) Statuta općine Kakanj („Sl.novine Općine Kakanj“, broj: 4/08), **donijelo je**

**O D L U K U**  
**O GUBLJENJU STATUSA JAVNOG DOBRA**

**Član 1.**

Utvrđuje se da su izgubile status javnog dobra nekretnine u općoj upotrebi, koje nose slijedeće oznake:

- k.č.br. **792** ( po starom premjeru k.č.br. 275/2, k.o. Ribnica) nekategorisani put „Ribnica“ u površini 777 m<sup>2</sup>, k.o. Mramor, upisana u el. z. k. ul. br. 189, javno dobro-Iskaz I, sa dijelom 1/1, upisana u posjedovni list broj 162, u posjed DS Javno dobro putevi sa dijelom od 1/1,
- k.č.br. **823** ( po starom premjeru k.č.br. 275/3, k.o. Ribnica) nekategorisani put „Jonča“ u površini 759 m<sup>2</sup>, k.o. Mramor, upisana u el. z. k. ul. br. 189, javno dobro-Iskaz I, sa dijelom 1/1, upisana u posjedovni list broj 162, u posjed DS Javno dobro putevi sa dijelom od 1/1,
- k.č.br. **853** ( po starom premjeru k.č.br. 260/2, k.o. Ribnica) nekategorisani put „Zagone“ u površini 433 m<sup>2</sup>, k.o. Mramor, upisana u el. z. k. ul. br. 189, javno dobro-Iskaz I, sa dijelom 1/1, upisana u posjedovni list broj 162, u posjed DS Javno dobro putevi sa dijelom od 1/1,
- k.č.br. **859** ( po starom premjeru k.č.br. 257/6, k.o. Ribnica) nekategorisani put „Ribnica“ u površini 318 m<sup>2</sup>, k.o. Mramor, upisana u el. z. k. ul. br. 195, zemljišnoknjižno vlasništvo Delibašić Ferida sina Huse iz Ribnice, sa dijelom od 1/35 i drugih, upisana u posjedovni list broj 162, u posjed DS Javno dobro putevi sa dijelom od 1/1,
- k.č.br. **722** ( po starom premjeru k.č.br. 289/1, k.o. Ribnica) nekategorisani put „Ribnica“ u površini 42 m<sup>2</sup>, k.o. Mramor, upisana u el. z. k. ul. br. 268, zemljišnoknjižno vlasništvo Mutapčić rođ. Delibašić Čime iz Zenice, sa dijelom od 21/640 i drugih, upisana u posjedovni list broj 162, u posjed DS Javno dobro putevi sa dijelom od 1/1.

**Član 2.**

U zemljišnim knjigama Općinskog suda u Kaknju u ISKAZU I, kao i u posjedovnim listovima, brisaće se izvršeni upis zemljišta, označenog u čl.1. ove Odluke, kao nepokretnost u općoj upotrebi-javno dobro putevi i isto će se upisati kao državna svojina Općina Kakanj.

**Član 3.**

Ova Odluka stupa na snagu danom donošenja, a naknadno će se objaviti u „Sl.novinama općine Kakanj“.

**PREDSJEDAVAJUĆI**  
**OPĆINSKOG VIJEĆA**

**Katičić Slaven**

## **O b r a z l o ž e n j e**

Povodom prijedloga JP Elektroprivreda BiH d.d. Sarajevo, Zavisno društvo Rudnik mrkog uglja „Kakanj“ d.o.o. Kakanj, broj: 01/D-01-52-15592/17 od 08.11.2017. godine, pokrenut je postupak potpune eksproprijacije u svrhu izgradnje glavnog vanjskog odlagališta „Ribnica“, na području općine Kakanj, na nekretninama označenim u članu 1. ove Odluke.

Takve nekretnine ne mogu biti u prometu, što zabranjuje član 7. stav (1) i (2) Zakona o stvarnim pravima, jer je upisano kao javno dobro.

Članom 7. stav (3) istog Zakona propisano je da o općim i javnim dobrima vodi brigu i njima upravlja i za to odgovara određeni subjekt javnog prava (Federacija, kanton, grad ili općina), što se određuje posebnim zakonom.

Posebnim zakonom, i to članom 10. stav (3) Zakona o cestama Federacije Bosne i Hercegovine propisano je da dluku o statusu napuštenog dijela ceste iz stava 2. ovog člana za autoceste, brze ceste, magistralne i regionalne ceste donosi nadležno ministarstvo, a za lokalne ceste nadležni gradski, odnosno općinski organ, a to je Općinsko vijeće.

Postupkom eksproprijacije vrši se promet nekretnina i to prenos vlasništva sa ranijeg vlasnika na korisnika eksproprijacije.

Da bi se moglo donijeti rješenje o eksproprijaciji, te sklopiti sporazum o naknadi u korist Općine i postupak eksproprijacije okončati izvršenjem uknjižbe nekretnina u korist Rudnika, potrebno je donijeti odluku o gubljenju statusa javnog dobra, kako bi označene nekretnine mogle preći u vlasništvo Rudnika, a Općina mogla naplatiti naknadu za ekspropisane nekretnine.

Napominjemo da je Općinsko vijeće donijelo Odluku, broj: 01/1-9-266/17 od 28.06.2017. godine, o utvrđivanju javnog interesa u svrhu izgradnje glavnog vanjskog odlagališta „Ribnica“, na području općine Kakanj, kojom su obuhvaćene i parcele, označene u članu 1. ove Odluke. U toku je postupak eksproprijacije u selu Ribnica, te su predmet eksproprijacije i nekategorisani putevi u selu, koji neće imati svoju svrhu, iz razloga što služe kao prilazi stambenim objektima i drugim nekretninama, koji su također predmet eksproprijacije.

Na osnovu naprijed navedenog predlaže se usvajanje ove Odluke.

Kakanj, 01.06.2018. godine

**PREDLAGAČ**  
Općinski načelnik

**OBRAĐIVAČ**  
Služba za imovinsko-pravne, geodetske  
poslove i katastar nekretnina